

漁洋精華錄箋注

漁洋山人精華錄箋注卷第六

中吳金榮林始箋注

徐淮岱陽纂輯

壬子

蜀道集

叙州鎖江亭晚眺

范成大吳船錄鍵為縣二十里至下填百里至叙州又叙州有鎖江亭在對江

山趾下臨馬湖蠻江路蠻自江出必過城下故置鎖為限

望望朱提路

常璩華陽國志朱提郡本犍為南部孝武帝元封二年置

夕陽千萬山落霞明

極浦飛鳥近南蠻城角旌竿直江亭鐵鎖閒

祝穆方輿勝覽叙州

鎖江兩岸大石屹立昔人因置鐵絙橫截其處

鬱姑臺咫尺

惠棟注叙州府志北二里鬱姑臺宋楊仙遇仙子于此故名

煙靄

畫圖間

先生蜀道驛程記登鎖江亭遙望落霞孤鶩城堞歷歷在蒼山暮靄間

江安縣

隋書地理志江安縣屬瀘州郡

斜日玉津渡

酈道元水經注江水又東至南安為壁玉津故左思云東越玉津也常璩華陽國志大犍為有漢安橋玉津

青

山銅鼓灘

王象之輿地紀勝銅鼓灘在南溪縣學東十里大江之右

蠻江來浩蕩行路飽艱

難晚市稀橙客

徐夔注葉廷珪海錄碎事花木志給客橙出蜀土若袖而香冬夏花實相繼或如彈丸或如拳通歲食之

名盧橘

先生蜀道驛程記有荔枝巴

荒園罷橘官

常璩華陽國志魚武縣郡治章武二

年改曰永安咸熙初復有橘官

波濤三百里猶是怯兵欄

常璩華陽國志濱江有兵欄李冰燒之崖有五色

清溪

自注納溪縣西五里太白詩夜發清溪向三峽即此王象之輿地紀勝清溪驛在嘉州犍為縣

蠻雲漏日影淒淒夾岸蕭條紅樹低好在峨眉半輪

月伴人今夜宿清溪

李白詩峨眉山月半輪秋影入平羌江水流夜發清溪向三峽思君不見下渝州

瀘州登忠山

先生蜀道驛程記瀘州古江陽郡祝穆方輿勝覽寶山在瀘州城南初名堡子山下瞰城郭兩

江合流按寶

山亦曰忠山

江源分內外

祝穆方輿勝覽水自渝上合州至縣州者謂之內江自渝上戎瀘至蜀者謂之外江

千里會瀘

州歷歷五峯影

明一統志五峰山在瀘州城北

茫茫三峽流青山煙外寺

黃篾水邊樓

姚綬傳張兩作黃篾樓儲古圖史甚富皮日休詩黃篾樓中挂酒筓

夕照層城暮迴

風引棹謳

撫琴渡

自注尹伯奇彈琴處

明月生琴渡似聞彈履霜

先生蜀道驛程記循小市而下泛小舟往觀撫琴臺琴清英曰尹吉甫子伯奇

至孝後母譖之自投江中衣苔帶蓼忽夢見水仙賜其美藥乃撫琴而作履霜之操今江濱一石屹然云即是臺也

猿聲何處發

今夜宿江陽

先生蜀道驛程記江安以東皆古江陽地

更有巴渝曲

後漢書南蠻傳蘭中有渝水其人居

水左右喜歌舞高祖乃命樂人習之所謂巴渝舞也

能霑旅客裳楓林前路遠葉葉似

瀟湘

晨起渡江登五峯過北巖寺

祝穆方輿勝覽北巖寺在城北舊有小菴楊汝

明創為大刹先生蜀道驛程記十月初六日晨起與何生登五峰泛小舟由海觀渡資江至山麓輿而上二里至峰頂遙與

角四峰相對有真武祠北
折而下里許為北巖寺

江郭曉煙合攜琴來五峯水容青滑笏山態碧玲瓏

雲樹孤城外風帆小市東

先生蜀道驛程記小市居人百餘家負山映江蔬畦竹圃蒼翠彌望昔盛時為

商舶輻輳之所

香林迴望好下界一空濛

江陽竹枝二首

自注今瀘州

錦官城東內江流錦官城西外江流直到江陽復相

見暫時小別不須愁

妾如江心黃龍堆

常璩華陽國志江中有大關小關季春黃龍堆沒關即平

江枯石爛長

崔嵬郎如治平寺中塔戎州西望忽飛來

自注相傳叙州北江上塔頂飛

至瀘州治平寺塔上而止

叙州流盃池瀘州使君巖皆山谷先生舊遊

都不及訪悵然賦此

四川總志流孟池在叙州宜賓縣治南隔江二里兩石蹲踞而中通

上下曲折其中廣處黃魯直壘石為九曲因號流孟池明一統志使君巖在瀘州城南五里宋使君王獻可遊賞之地獻可知瀘州時黃庭堅謫于涪獻可遇之甚厚先生蜀道驛程記山谷先生謫此有味諫軒無等院流杯池諸遺跡池隔江五里而近欲往游不果又舊聞瀘城使君巖為山谷先生遊憩地滴乳巖亦有題字州人皆不能知許生云隔江有東月巖猶存山谷所題江天二字未詳即使君巖抑滴乳巖耶

憶昨登凌雲江邊蹋亂石興劇罷鞍馬逍遙散輕策
徑危草露多處處見虎跡東林雨新霽初日射青壁
浩蕩三江流安穩平如席西笑揖峨眉遙連雪山白

蜀圖經雪山在維州保寧縣西南連乳川白狗嶺王存九域志山有九峯上有積雪春夏不消

酒酣挂帆去矯若生

羽翮心知流孟池遺跡在巴棘

酈道元水經注楚道縣本棘人居之又江州縣故巴子之都也

俗物敗人意

晉書王戎傳戎與籍為竹林之游戎後至籍曰俗物已復來敗人意戎笑曰卿輩意亦復易敗耳

交臂

輕一擲

莊子田子方篇吾終身與汝交一臂而失之

今日使君巖南望還咫尺通

詞託微波

曹植洛神賦託微波以通詞

蹇脩空脈脈

楚辭離騷吾令蹇脩以為理王逸曰蹇脩必義氏之

臣古詩脈脈不得語

平生一瓣香敢為涪翁惜

惠棟注朱弁風月堂詩話陳無已與晁以道俱學文

于曾子固無已晚得詩法于魯直他日二人相與論文以道曰吾曹不可負曾南豐又論詩無已曰吾此瓣香須為山谷道人燒也

按諸禪開堂至第三瓣

香推本其得法所自則云此一瓣香敬為某人

如何萬里遊虛此幾兩屐

注見卷七題蠟屐圖詩

迴

首望南雲

注見卷一與周量訪茗文詩

蠻江日將夕

合江縣

隋書地理志合江縣屬瀘州郡范成大吳船錄瀘州百二十里至合江縣

鰓部蠻荒水

桑欽水經江水又東過符縣北邪東南鰓部水從符關東北注之

東南裂地來

陸

再賦荔枝樓詩水自牂牁裂地來

江臨巴子閣

明一統志瀘江在瀘州城東源自岷山流入合江縣戰國時為巴國

山

倚少岷開

明呂柟少岷山記小岷山者蜀故安樂山也在合江之西三峰削立十有二盤先生蜀道驛程記一名榕山亦如太華之有少

華大我之有少我太室之有少室但彼皆連綴而此去岷山千里矣

故國音書絕天涯老鬢催渝

歌聲太苦中夜起徘徊

合江早發

放溜殘更裏熹微霽色間

陶潛歸去來辭恨晨光之熹微

鴉飛符縣北

常璩

華陽國志符縣郡東北二百里元鼎二年置

日出少岷山衆水當渝會扁舟下瀨

還客心爭歲暮猶自滯烏蠻

梁益州記雋州雋山其地接諸蠻部有烏蠻秋蠻

西涼神祠曲

自注在合江縣符堅時呂光討李焉之亂至此土人祠之陸務觀謁祠詩我雖不識神知是山

水人不敢持笏來袒裼整幅巾似未詳本末賦詩正之

長安氏王頭有角

崔鴻十六國春秋前秦錄建元十三年晉郎中張禕使符堅立在階下以手障額看堅堅問曰視天

子不過被卿何慢朕答曰臣在南中聞長安氏爲天子謂陛下頭上有角堅大笑按此當從角周南麟之角名南誰謂雀無角叶盧谷反通雅角古音祿孫愐

唐韻角載沃韻又音覺

東埽鄴宮西定蜀

崔鴻十六國春秋前秦錄建元六年十一月戊寅堅攻鄴拔之慕容暉出奔辛

巳堅入鄴宮諸州牧守及六夷渠帥盡來降附七年三月楊統起兵武都與楊纂爭分遣秦州牧西縣侯苻雅梁州刺史楊安益州刺史王統并州刺史徐成

及羽林左監朱彤楊武將軍姚萇帥步騎七萬先取仇池進圍寧益四月雅進
攻仇池楊統帥武都之衆來降纂將碩密亦來降堅以王統爲平遠將軍南秦
州刺史加揚安都督南秦州諸軍事鎮仇池

西域校尉婆樓兒

晉書後涼載記呂光字世明略陽氏人也父婆樓猛

異之言之苻堅從猛滅慕容暉封都亭侯蜀人呂焉之亂聚衆
二萬攻逼益州堅以光爲破虜將軍率兵討滅之遷步兵校尉

勒銘直

到岷山腹功成振旅咸陽中萬里玉門旌旆紅三十

六國拜都護酒酣作賦龜茲宮

晉書後涼載記光士馬強盛遂有圖西域之志總兵七萬鐵騎

五千以討西域進兵至焉耆其王泥流率其旁國請降龜茲王帛純距光光軍
其城南進攻龜茲城帛純乃傾國財寶請擒胡救光大敗之王侯降者三十餘
國光入其城見其宮室壯麗命參軍京兆段業著龜茲宮賦以譏之胡人家有
蒲桃酒或至千斛經十年不敗諸國憚光威名貢獻屬路堅聞光平西域以爲
使持節散騎常侍都督玉門巴西諸軍事安西將軍西域校尉堅載記作
三十六國惠棟注任淵後漢書西域傳注武帝時西域內屬有三十六國

甲

乙識成苻氏滅魚羊食人日流血

晉書前秦載記時有人于堅明光殿大呼謂堅曰甲

申乙酉魚羊食人悲哉無復遺

黑龍晝起姑臧城坐制三河亦人傑

晉書後涼載記

光軍龜茲城營外夜有黑物大如斷堤搖動有頭角目光若電及明而雲霧四
周遂不復見旦視其處鱗甲隱於地所昭然猶在光笑曰黑龍也光至玉門

梁熙傳懋貴光擅命還師遣子胤距光于酒泉光遣彭晃等擊胤大敗之于是
西山胡夷皆來款附武威太守彭濟執熙請降光入姑臧自領涼州刺史護羌
校尉以孝武太元十四年僭即三河王位惠棟注李應祥雍勝略姑臧城在
涼州衛東北二里漢置縣為武威郡治晉隋因之唐為涼州治遺址尚存 少

岷山下岷江流西涼廟貌凌高秋山頭龍出作雲雨

神靈雜沓風颭煙消雨散渺何許靈欲歸兮憺容

與漢書禮樂志澹容與船旗獵獵西北斜韓愈羅池廟碑侯之船今兩旗渡鮑照詩獵獵曉風道落日

陰房竄蒼鼠杜甫詩陰房鬼火青又蒼鼠竄古瓦

大磯腦明一統志大磯山在都昌縣治南王周峽船具詩序峽中湍峻激石忽發者謂之瀆洄洑而漩者謂之腦

削壁臨江勢欲傾丹砂蘸葉一江明囊中正有鷺溪

綃注見只少黃筌為寫生周密畫鑑五代時黃筌與子居寀並善花卉謂之寫生妙在傳色不用墨筆

棹歌

紅葉磧邊紅葉飛黃魚沱上黃魚肥郭璞爾雅注鱣魚體有甲無鱗肉黃大者長二

三丈江東人呼為黃魚杜甫
詩日見巴東峽黃魚出浪新
百丈牽江怯西上南史宋超石傳宋武北伐超石董舟師入河陽

軍人緣河南岸牽百丈有漂度北岸者王周峽船具詩序岸石如齒非麻梟紉
繩之為前牽取竹之筋者破而用梟為韌以續之以備其牽者謂之百丈程大

昌演繁露蜀人云水峻岸石又多廉稜若用索牽遇石輒斷故劈竹為大辯以
麻索連貫以為牽具是名百丈陸游入蜀記上峽惟用艫及百丈不復張帆以

巨竹四破為
之大如人臂
三巴迎客好東歸

江津縣晚泊寄懷李綏陽公凱隋書地理志江津縣屬巴郡李鎧

字公凱又字醒菴山陽人
辛丑進士時官綏陽令

路入江州愛晚晴青山紅樹眼中明先生蜀道驛程記初七日晡抵江津縣距縣二

里許小山多桐子樹葉
如渥丹與夕霞相映
斜陽潮送孤舟上沙岸人牽百丈行

故國至今悲蔓子常璩華陽國志巴國有亂將軍蔓子請師于楚許以三城楚王救巴楚使請城蔓子曰藉楚之靈克

弭禍難誠許楚王城可將吾頭往謝之城不可得也乃自刎以頭授
楚使王歎曰使吾得臣若巴蔓子用城何為乃以上卿禮葬其頭
乘槎曾

共訪君平注見卷四送董玉乳詩
城南便是牂牁路樂史寰宇記夷州義泉郡理綏陽縣在漢為牂

牂郡境隋大業七年置綏陽郡一夕相思白髮生

渝州夜泊

李亨甫元和郡縣志渝州古之巴國也開皇元年改為渝州以渝水為名樂史寰宇記其地東至魚

復西連犍道北接漢中南接牂牁

塗山斜月落

樂史寰宇記塗山在巴縣東南八里岷江南岸

巴國曙雞鳴亂艇煙初

合三江潮夜生

先生蜀道驛程記岷江自叙瀘西南來涪江自縣梓遂諸州西北來嘉陵自閬果諸州巴江自蓬渠諸州東北

來至合州同會涪江南下至渝州東北朝天門與岷江會故曰郡承三江之會實四水也三江灌輸衆山擁蔽巨峽為之門戶信巴蜀一大阻

霜寒

催曉角石氣肅高城不寐聞猿嘯迢迢入峽聲

題三忠傳

自注故四川巡撫陳公士奇重慶知府王公行儉巴縣知縣王公錫先生池北偶談獻賊自荊州攻陷重

慶撫都御史陳公士奇重慶太守王公行儉巴縣令王公錫同日罵賊被磔死豐都林君明儻作三忠傳今巴人立三忠祠祀之又皇華紀聞王錫字子美新建人崇禎庚辰進士官巴縣令常躬平姚黃巨寇斬其渠黑虎馬超等獻賊入重慶破塾江錫率兵恢復之賊攻重慶錫逆戰銅鑼峽敗之獻賊恨甚伏發城陷被執時瑞王自漢中避難顧王曰事至此死耳膝不可屈遂

與巡撫陳士奇南道陳縑重慶知府王行儉俱不屈死罵
不絕口賊箝其口剖其左臂縛樹上射之又鬻而烙之

已失夔門險誰云蜀道難三江潮不到萬馬競傳餐

漢書韓信傳信令其裨將傳餐曰

今日破趙會食如淳曰小飯曰餐

故國悲張許張巡許遠忠魂泣賀蘭

南霽雲當時渝水上慷慨白衣冠

史記刺客列傳太子及賓客知其事者白衣冠而送之

塗山絕頂眺望

常璩華陽國志江州塗山有禹王祠及塗后祠蘇鶚演義塗山有四一會稽二渝州

三濠州四當塗顧其處皆有禹迹未詳孰是先生蜀道驛程記鐵桅峰即塗山絕頂

飛瀑落長虹

先生蜀道驛程記游塗山操小舟由龍門登岸龍門者江濱積石中斷如門俗謂龍門浩浩之上瀑布如練登

臨見禹功山圍巴子國

常璩華陽國志巴子都江州後理閬中秦為巴郡地

苔沒夏王

宮峒俗烏蠻近畬畊白帝同渝州天塹地感慨大江

東

舟出巴峽

先生蜀道驛程記王右丞詩際曉投巴峽即此

曲折真成字

譙周三巴志閬白水東南流自漢中經始寧城下入涪陵曲折三回如巴字曰巴江經峻峽中謂之巴峽

滄波

十月天雲開見江樹峽斷望人煙新月數聲笛巴歌

何處船今宵羈客淚流落竹枝前

長壽縣弔雪菴和尚

先生蜀道驛程記枳縣靖難時雪菴和尚遁跡于此與隱士杜景賢

往來白龍山中山有松柏灘灘水清駛篳蘿交映結廬其間每夜梵誦琅然人或窺之乃易乾卦也時棹小舟中流携楚詞誦之誦一葉輒投一葉于水投已輒哭人莫能測也按長壽縣漢為枳縣

枳縣秋風愴客魂

常璩華陽國志枳縣在江州巴郡東四百里

金川遺事忍重論

注見卷二

誰從魚服悲宗國

注見卷二

唯有烏朝戀舊恩

列朝詩惠宗讓皇帝金竺長官司羅永菴題

葉下沅湘愁北渚

楚辭九歌帝子

降兮北渚目眇眇兮愁予嫋嫋兮秋風洞庭波兮木葉下

蕪生鄢郢哭東門

楚辭九章望長楸而太息兮涕淫淫其若霰又

孰兩東門之可蕪王逸曰郢都東關有二門也

至今松柏灘頭水鳴咽寒潮弔屈原

涪州石魚

常璩華陽國志涪縣去成都三百五十里水通于巴為蜀東北之要

涪陵水落見雙魚

樂史寰宇記黔州涪陵水西北注涪州入蜀江祝穆方輿勝覽涪陵縣江心有雙魚刻石上每一魚

三十六鱗出必豐年

北望鄉園萬里餘三十六鱗空自好

段成式寄溫庭筠詩

三十六鱗充使時陸佃埤雅鯉三十六鱗具六六之數六陰也

乘潮不寄一封書

早登涪州北巖訪伊川先生注易洞憩碧雲

亭

自注巖有山谷題鈎深堂三大字在大江之北宋史隱逸傳譙定字天授涪陵人定一日至汴聞

祝穆方輿勝覽涪州北巖

伊川程頤講道于洛往見遂得聞精義浩然而歸其後頤貶涪定之鄉也北山有巖師友游泳其中涪人名之曰讀易洞又道

學傳程頤字正叔紹聖中削籍竄涪州涪人祠頤于北巖世稱為伊川先生

雞鳴截江去磊落見殘星古洞生蒼蘚層巖列翠屏

五溪秋水岸

注見卷五馬伏波祠詩

萬里碧雲亭

明一統志碧雲亭在涪州對江北岸上

蜀洛

清流盡

薛應旂續資治通鑑宋哲宗元祐二年八月罷崇政殿說書程頤在經筵多用古禮蘇軾謂其不近人情每加玩侮時呂公著當國

羣賢不能不以類相從于是遂有洛黨蜀黨朔黨之語洛黨頤為首蜀黨軾為首二人遂成嫌隙又哲宗紹興四年十一月安置程頤于涪州頤時放歸田里帝一日與輔臣語及元祐政事曰程頤妄自尊大在經筵多不遜于是言者論頤與司馬光同惡相濟遂削籍寬涪州頤在涪與門人講學不輟周易傳亦在涪所著也

千秋忌獨醒

莊子漁父篇衆人皆醉而我獨醒

麻姑洞二首

先生蜀道驛程記豐都縣水經所謂逕東望峽東歷平都者也上平都山訪仙都觀故址觀王

方平麻姑二洞八卦

臺臺前為凌虛閣

神仙官府事紛然

韓愈奉酬盧給事詩上界真人足官府豈如散仙鞭策鸞鳳終日相追陪顧況集五源訣番禺仙人王

遙琴子高言下界功滿方超上界上界多官府不如地仙快活

懶漫誰能更學仙

嵇康與山濤絕交書簡與禮相背嬾

與慢

但乞麻姑爬背癢

葛洪神仙傳麻姑手爪似鳥經心念曰背大癢時得此爪以爬背當佳也遠已知即使人牽經

鞭之曰麻姑神人汝何謂其爪可爬背耶

餘杭兌酒此中眠

葛洪神仙傳王遠以一貫錢與餘杭姥求沽酒須臾還得一油

囊酒

五斗

洞口無人薜自青蓬萊清淺幾曾停

葛洪神仙傳麻姑云接待以來已見東海三變

為桑田向到蓬萊水又淺于往日豈將復為
陵陸乎遠歎曰聖人皆言海中行復揚塵也
他時小別三千歲江淹別賦少別

年又似當年過蔡經

忠州謁禹廟

黃庭堅忠州復古記忠州漢巴郡之臨江墊江縣唐貞觀八年改為忠州祝穆方輿勝覽禹祠

在臨江縣南過岷江二里

空山神禹廟終古對巴臺

祝穆方輿勝覽巴子臺在咸淳府臨江縣魚棟注忠州志臺巴子所築也在州

西五里玉座秋苔長江雲暮雨來八蠻通道路九鼎沒蒿

萊

注見卷五五丁峽詩

黑水梁州地

注見卷五南鄭至沔縣道中詩

芒芒問劫灰

注見卷五眉州

謁三蘇祠詩

屏風山謁陸宣公墓

惠棟注陸友仁吳中舊事或謂公自貶忠州別駕薨于忠州其喪不

曾還吳按忠州圖經陸宣公墓在玉虛觀南三十步豈嘗葬于此又謂公已歸葬而忠州特虛設耳先生蜀道驛程記屏風

山在岷江之北山麓二石表一西南向者曰大禹廟一南向者曰唐陸宣公神道峯頂一碑大書唐忠州別駕贈兵部尚書陸